



Yumi Ijuntuja Jetemjusa chichamjuka Takamu Alto Mayunum

Alto Mayunmak wainnawai kuashat utugchak yumi pachisa chichamak aantsag iina pujutain-ashkam, kuntin, ájak ashí iwaku matsamin aídaunmak. Juju ainawai utugchatak:

1) Mayu nujinchinik ikamak jimaipituk wajasee amugak, imatikamu asa yumi yutakug ashí tajaegak minawai, numi amukmau asa, aantsag yumiskam kuyuawai nuniak ina waittan amawai, iina alto mayunum batsamin aídautin, aantsag yumi yutakug Yaaktanmashkam amauji minak ajekenawai, utsawai.

2) Juju utugchat au asamtai San Martintignumak, ikam kuitamkami tsawan yapajinui, nuanui wajuk kuitamkattaji ikam, yumi Alto Mayunmash tabaunum chichanui kuitamka takat ikam yumi amukai tusa.

3) Aantsag utugchatan inimui kayam namaknumia sujamunum, jujuka kuitamka takashmak namak beseawai, mamayak aídaush megkaewai kayaji yajutkam, ajaknashkam utsawai nugka puunag wegak.

4) Yumí nujinchin batsatuinanunu ajan ajamkag, ajakan ampinak yuminak ebesenawai, aantsag yaakat tsuwatan utsainak, ebesenawai nuniak tsumujin batsatutin utugchatan amawai, jatanashkam.

5) lina ikamji shiig kuitamsa takashmaunum, yumi tagkuma umagnunu kuyuawai.

6) Juu utugchatanuka ii shiig anentaimja takashmaunum juniawai, nuintushkam yumi leyji(chichamji) atugchamunum.

7) Juka utugchatak ashi dekanui, tujash nuniayaitku puyatjusa ijuntuja chichamjamu at-sawai yimu kuitamkami tusaik.

8) Yumi amukai tusa pachisa autusmaush, puyatjusa takantsati tamaush jintinkagtamukesh atsawai.

Juka utugchatak dekaske ikam alto mayunmak (Bosque de Protección Alto Mayo), jujú ikamanui najaneawai namak auidau, kampuji mayu. Juu utugchat amaunum, chichanui Yumi, ikam ijuntuja jetemjusa chichamjuka takamu Alto Mayunum atii tusa.

Wajimpaiya Yumi ijuntuja jetemjusa chichamjuka Takamush?

Yumi ijuntuja jetemjusa chichamjuka takamuk, yumi puyakjuka kuitamauwai ashí ii atumin aídauti yumi amukai tusa, nuniaku ashí yumi ajutjanti tusa ii takamunum.

Nuniau asamtai jujú utugchat amaunmak yamaik ijuntuja jetemjusa takamuanuwai ashi yumin takau aina nujai , yumi tuke ajutjantin atii tusa, iina uchiji, tijajii aidaushkam.

Yumi Ijuntuja Jetemjusa chichamjuka Takamu Alto Mayuk egaji, yumi, entsa , ikam ainanunu shiig kuitamka takasagmi tusa.

Chicham uminkati takuik jujú shiin dekamainai:

1. Yumik alto mayunum chichamjamunmak jujú taji, entsa, ínitkanmaya yumi, yumi yutamu, yujagkim najaneanu, namak auidau.
2. Alto Mayunmak awai kuashat yumí takau auidau, juntas de usuarios tawa nuu, iina comunidadji auidau, ikam ayamjukbau, gobierno regional, municipio, pamuk autoridad local de agua ant-sag tikish aidaushkam.
3. Yumi chichamjamunmak ima ajamujaigke takasmi tunatsui, ashii alto mayunum batsamin aidautin chichamjukmi, yumi atsujushkam tunawai.
4. Yumik takamunmak ima entsake, namakke dakamait sui, najanmainai yumi tagkumtai (Tanques de reservorio) esattin yupichu wamak takasmi tusa.



Ilustración 1 Actores de la gestión del Agua

Fuente: <http://www.ana.gob.pe/zona-educativa/zona-de-descarga/l%C3%A1minas-educativas.aspx>

CONSERVACIÓN
INTERNACIONAL



perú
sanmartín
GOBIERNO REGIONAL



MINISTERIO DE ASUNTOS
EXTERIORES DE FINLANDIA

Bibliografía (Juu Chichawai):

Dourojeanni (2014). GIRH en América Latina: de las ideas a la práctica. Fundación Chile. Ponencia presentada en el "Segundas Jornadas de Derecho de Aguas. Cinco años de la Ley de Recursos Hídricos en el Perú". Pontificia Universidad Católica del Perú. Lima. Perú. <http://jornada.pucp.edu.pe/derecho-de-aguas/wp-content/uploads/2014/09/Panel-IV-3-Dourojeanni.pdf> visitado el 12-10-2014.

MINAM & GORESAM, 2014. Gestionando la Cuenca del Río Mayo con un Enfoque Integrado. Folleto Informativo. Ministerio del Ambiente y Gobierno Regional del San Martín. San Martín. Perú.

PNUD, 2014. San Martín: Desarrollo Humano y Cambio Climático. Ficha Informativa. PNUD.